

Sel Prestuhn
Thomas S. Monson



Pahng luhn Mwet Lahngo in Kuhlwasnsap

Elos nuh kwewa suc lutlut oacwac uh etuh lah meac common denominator (nacmpuh fal se). Nuh sin Mwet Luhlalhfongi ke Lwen-sahflah uh, oasr nacmpuh fal se ma orekuhtweni nuh sie. Nacmpuh fal sacn pa kais sie pahng kuht kais sie eis in nwacklah kunohkohn ke tohkohsrahi luhn God inge fin facluh.

Kuh kom nuh puhla suhfal ke tohrkahskahs ke pahng uh tuhkuh nuh yurum uh? Kuh kom ac nuh in-sese in sang kuloh ke kais sie pacl wowo in kuhlwasnsapuh tamuhlwel ac tahmtahel wiyom an, etuh lah Pahpah tuhmasr Inkuhsrao El fah ahkinsewowoyaclos suc El pahngon?

Nga finsrakkihn tuh kuht in tiac sislah ohiyac pwacye ke luhngse lal ke pacl wowo in kuhlwasnsap uh. Ohiac sacn, finsrak ma pahtpaht sacn, pa ma se na ma sram-sramkihnyuck sin Leum ac sukogyak ke Mwe Sang Sacohklacna: “Liye, pa inge orekma luhk ac wolacna luhk—in use moul ne tok ac moul ma pahtpaht luhn mwet.”¹

Lwelah kuht in esam lah walwalkihn mempucr ke Alu luhn Jisus Kraist luhn Mwet Luhlalhfongi ke Lwen-sahflah uh tiac mwe walwal in ahkwo se tuhsruhk nuknuk fohn se luhn kunohkohn. Ma kunacsr uh, in kuh in moli kuhtlac sifacna, pa in kol mwet sahyac nuh ke tohkohsrahi ke Celestial luhn God.

Ke ineselac in fahsr ke inkacnek in kuhlwasnsap

luhn God, kuht ac fah tiac oruh ke oruh lal Shakespeare Cardinal Wolsey. Sisarlah kuh lal tukun moul in kuhlwasnsap nuh sin tohkohsrahi lal, el suhpwacrlac:

Nga fuhnuh kuhlwasnsapuh God luhk ke tahfuhn srihwasra luhk

Nga kuhlwasnsapuh tohkohsrahi luhk, El fah tiac sun pacl luhk

*Fihliuclac in kohflohfohl yurin mwet lokoalok luhk uh.*²

Kain kuhlwasnsap fuhkah inkuhsrao enenuh uh? “Leum el enenuh insiac ac nuhnak pwacye se; ac inese pwacye ac ahkostwen fah kang ma wo ke acn luhn Saion ke lwen sahflah inge.”³

Nga tui ke nga nuhnkuh kahs lal Prestuhn John Taylor ah (1808–87): “Kowos fin tiac ahkfalye pahng lowos an, God lac usot mwacta nuh suwos kaclos suc kowos kuh in molwelah kowos fuhnuh orwacalah ma kunowos.”⁴

Oacna srwesrwen fong luhn kahlwem in sukok ke ma wowo uh pa moul luhn Jisus ac ke El luti inmahsr-lon mwet uh. “Nga inmahsr-lowos suc kuhlwasnsap,”⁵ Jisus el fahkwack ke El ahkkuhyelah niacn mwet ul, ngwetngwet luhn mwet kun, insrwen mwet suhlohng kahs, ac moul luhn mwet misac.

Ke puhpuhlyuck soko ke mwet Samaria wowo sac,

Mwet Luti Fuhlwaht el luti kuht in luhngse mwet tuhlan lasr oacna kuht sifacna.⁶ Ke top Lal in sun mwet kol fuhsr kahsrup se, El luti kuht in fihliyac nuh sahyac kuhtasrihk lasr.⁷ Ke kihtheyacn mwet 5,000, El luti kuht in liye enenuh luhn mwet sahyac uh.⁸ Ac ke Luti fin Ohl uh, El luti kuht in suk met tohkohsrahi luhn God.⁹

Ke Facluh Sasuc se, Leum moulyak el fahkwack, “Kowos etuh ma kowos enenuh in oruh ke alu luhk uh; nuh ke orekma suc kowos liye nga oruh ma kowos enenuh pac in oruh; nuh ke ma kowos liye nga oruh finne ma kowos enenuh in oruh.”¹⁰

Kuht ahkinsewowoye mwet sahyac ke kuht kuhlwahtsap ke nguhtnihn “Jisus luhn Nazareth . . . suc som ac oruh ma wo.”¹¹ God El ahkinsewowoye kuht in konwacack engan ke kuhlwahtsapuh Pahpah tuhmasr Inkuhsrao ke kuht kuhlwahtsapuh tuhlihk Nahtuhl fin facluh.

MWE KAHSRUH

1. liye Moses 1:39.
2. William Shakespeare, *King Henry the Eighth*, act 3, scene 2, lines 456–58.
3. Doctrine and Covenants 64:34.
4. *Luti luhn Prestuhn ke Alu uh: John Taylor* (2001), 164.
5. Luk 22:27.
6. Liye Luk 10:30–37; liye pac Mattu 22:39.
7. Liye Mattu 19:16–24; Mark 10:17–25; Luk 18:18–25.
8. Liye Mattu 14:15–21; Mark 6:31–44; Luk 9:10–17; Jon 6:5–13.
9. Liye Mattu 6:33.
10. Liye 3 Nephi 27:21.
11. Orekma 10:38

LUTI KE PWENG SE INGE

“[Leum] El fah tiac lwelah kuht in puhtatlac kuht fin oruh ip lasr uh. El ac fah ahkwoye kuht finne in yohk liki talan ac kuhiyacsr. . . . Pa sie sin puhlakihn wowo ma kuh in tuhkuh nuh sin mwet uh” (Ezra Taft Benson, ke *Teaching, No Greater Call* [1999], 20). Nuhnkuh in akacsruhi ke sie ohiac sikyak ke kowos kuh sie mwet kowos etuh puhla oruh wo luhn Leum nuh sel ke talan ac kuhiac an. Suli sucu an in akacsruhi ke kuhtuh sin puhlakihn wowo lalos sifacna ke elos tohpohklah ke “pahng in kuhlwahtsap luhn Mwet Lahngo an.”

MWET FUHSR

Kuhlwahtsap lun Tempuhl

Sel Benjamin A.

Ke nga yac 17 lac ah, nga muhtwacwacack nuhnkuh na pwacye pacl tok luhk uh, ac nga pruhe nuh sin

Pahpah Lucng ke ma nga kuh in oruh in ahkolah in som nuh ke sie misin ac eis Melchizedek Pristut. Nga puhla lah nga enenuh in som nuh ke tempuhl in fusus kuh-tuh ke srihpen pa lohmsin Leum ac e pa oruh acn ma nga kuh in puhla fototoyang nuh sin Pahpah tuhmuhk Inkuhsrao.

Na nga orwacalah finsrak se in oruh pacptais 1,000 ke yac se. Nga puhla na pwacye enenuh se in orwacalah finsrak se inge; nga lalo in etuh fin ma se inge pa nga enenuh in oruh uh. Pahpah tuhmasr Inkuhsrao el topukyuclac, ac nga muhtwacwacack som nuh ke Tempuhl Tampico Mexico ah ke Sactte nuh kwewa.

Tukun nga orwacalah pacptais 500 ah, nga orwacalah finsrak se in oruh sukok ke sramsram mahtuh luhn sucu ke mwet mahtuh somlah luhk, ac nga luhngse oruh na pwacye lah nga tiac kuh in mutul ke srihpen nga sukok ine. Nga sokwack ine 50 ac fihl alkosr luhn sramsram mahtuh luhn sucu luhk uh; nga kahsrup oruh orekma ke tempuhl lalos kwewa.

Sahflahiyac ah nga orwacalah pacptais 1,300, ac nga srolah ke lutlut ke ma suhmuhlah luhn tuhlihk fuhsr, eis Melchizedek Pristut, ac inge nga kuhlwahtsap in ekihn sie misineri ke pacl nuh kwewa, suc ma sie sin finsrak yohk luhk emet ke mouh uh.

TUHLIHK

Nga Kuh In Oruh Sie Ma nuh sin Mwet Sahyac uh

Kais sie sesr kuh in oruh sie ma in kahsrup mwet sahyac uh. Prestuhn Monson el luti lah kuht enenuh in luhngse mwet nuh kwewa ac etuh in liye ohiyac kuht kuh in kahsrwelos uh.

Ke kowos mongo in ekuh yurin sucu lowos an, fahk lah kais sie mwet ke sucu an in akacsruhi ke sie ma el orwacalah in kuhlwahtsapuh sie mwet ke lwen sacn. Suhmuhlah puhlakihn luhn kuhlwahtsap lowos sifacna lun journal nuhtuwos an ke kais sie lwen.

© 2012 sel Intellectual Reserve, Inc. Kuh ac suwohs nuh kwewa fihliyucki. Sihmlac fin acn USA. Ahkkweyeyucklac ke kahs English: 6/11. Ahkkweyeyucklac ke lweng: 6/11. Lwenglah luhn *First Presidency Message, August 2012*. Kosraean. 10368 868



Luhlahfongi, Sucu, Kahsruh

Mukwilac ke Pacl Enenweyuck

Pruhe in luthutkihn kuhfa inge, ac ke pacl fal, sramsramkihn yurin tahmtahel ma kowos muhtwacta nuh yohroh an. Orekmakihn kihsen siuck an in kahsrwekewos ahkkweye tahmtahel wiyowos an ac in oruh U luhn Muhtwacn in Kahsruh an in ip utuftuf se ke moul lowos sifacna an.

In ekihn mwet forfor luti se, sie sin srihpac lasr uh pa in kahsruh ahkkweye sucu ac lohm an. Tahmtahel kuht muhtwacta yohroh uh enenuh in fahk, “Fin oasr elyah luhk, nga etuh lah mwet in forfor luti luhk uh fah kahsruh ke tiac sano in siuck-yuck.” In kuh in kuhlwacnsap, oasr kunohkohn se lasr in acsmak nuh ke enenuh luhn tahmtahel kuht muhtwacta yohroh an. Ke kuht suk moklweyuck uh, kuht fah etuh ohiyacn topukyacn enenuh luhn nguhn ac mahno luhn kais sie tahmtahel kuht kuneyucki in forfor yohroh an. Na, orekmakihn pacl, etuh luhn orekma, talan, pruhe ke luhlahfongi, ac tahpuhkyuck luhn nguhn ac puhla lasr uh, kuht kuh in kahsruh oruh kuhlwacnsap in pahko muhta ke pacl mas, misac, ac ohiyac sikyak yohk srihpac sahyac uh.¹

Ke kahsruh ke ripohrt sin mwet forfor luti sahyac uh, prestuhnsi ke U luhn Muhtwacn in Kahsruh uh ahkkahlwemye elos suc oasr enenuh yohk srihpac la ke srihpen mas luhn mahno ac puhla, elyah suhlahklahk, isus, misac, suhkahpahs, muhkahimtacl, kuh ma upac sahyac uh. Na prestuhn luhn U luhn Muhtwacn in Kahsruh uh e ripohrti

ma el konwacack uh nuh sin pisap. Ye kohkoh lal, el fosngahkihn kahsruh uh.²

In ekihn mwet forfor luti uh e kuh in oasr srihpac yohk in engan ke srihpen mwe insewowo ma fihliucki facsr uh, lah kuht oreklac in oruh kuhfa uh in poun God in us ke orekma yohk se inge (liye Alma 26:1, 3).

Ke Ma Suhmuhsrah uh

Mattu 22:37–40; Luk 10:29–37; Alma 26:1–4; Doctrine and Covenants 82:18–19

Ke Sramsram Mahtuh Lasr

Ke yac ma sasuc Alu uh ah, mempucr ke alu uh puh ac muhta fototo nuh sie. Mempucr uh kuh in topuk in sa ke oasr enenuh luhn mwet se uh. Mihsenge mempucr ke alu uh ahlukwelah miliacn 14 ac fahsrwelihk fin facluh nohfohn. Forfor luti uh pa ip ke plwacn luhn Leum in sang kahsruh nuh sin tuhlihk nuh kwewa Nahtuhl.

“Ohiyac sefanna ma kuh in sang kahsruh ac ahkwo ke alu uh nohfohn ma arlac yohk ke facluh na puhs kain in mwet kac kuh in orek sin kais sie mwet kuhlwacnsap

apkuhran nuh yurin mwet enenuh uh,” President Henry B. Eyring, Mwet in Kahsruh Se Met ke Prestuhnsi el fahk.

“. . . Pisap nuh kwewa ac prestuhn luhn pracns nuh kwewa oasr prestuhn luhn Rilif Sosaiti in luhlahfongiuck,” el tahfwelah in fahk. “Oasr mwet forfor luti lal, suc etuh ma upac ac enenuh luhn tahmtahel nuh kwewa. El kuh, selos lac, etuh insiacn kais sie ac sucu uh. El kuh in orwacnah enenuh uh ac kahsruh pisap ke pahng lal in tuhfa kais sie ac sucu uh.”³

MWE KAHSRUH

1. *Liye Handbook 2: Administering the Church* (2010), 9.5.1; 9.6.2.
2. *Liye Handbook 2*, 9.6.2.
3. Henry B. Eyring, ke *Daughters in My Kingdom: The History and Work of Relief Society* (2011), 110.

Meac Nga Kuh In Oruh Uh?

1. Kuh nga orekmakihn mwe sang ac talan luhk uh in ahkinsewowoye mwet sahyac?
2. Yac tahmtahel nga liacacng uh etuh lah nga inese in kahsrwelos ke oasr enenuh lalos uh?

Nuh ke kuhtuh pac ma in etweyuck, som nuh ke reliefsociety.lds.org.